



# 中國大事記



民國六年六月十一日

●申禁私種鴉片……令曰。禁煙為除害救民之要政。前經特令內外各長官。將從前辦法。繼續進行。乃聞各省自上年軍興以來。禁令廢弛。無知愚民。往往貪圖近利。偷種煙苗。若不痛予剷除。則毒卉復萌。何以導新機而除舊染。應責成各省都督。無論已報禁絕及未報禁絕省分。一律剷切曉諭。如再有私種鴉片情事。即嚴飭分別犁拔。凡我國民。宜互相懲戒。毋得干犯禁網。致貽後悔。

同 十三日

●任命應德閔為財政次長……未到任以前。任命章宗元署理。  
●農林部通令禁止農漁墾牧各團體干涉行政……略謂近來各省組織各種公團學會。或企實業之發展。或為技術之研求。本部極為嘉許。然結會雖可自由。而範圍不容稍越。若陽居振興實業之名。陰啓攘奪利權之漸。甚或藉端斂費。干預行政司法之權。其為弊害。伊於胡底。用特明白告誡。嗣後各地所設農林

墾牧漁業等項之私立團體。務必順從公衆之意見。確守法律之範圍。勿尚虛聲。勿事強迫。其對於政治上一切應與應革事宜。如果確有見地。儘可隨時向本部建言。本部自必樂於採擇。毋許逾越權限。動輒干涉行政。致生阻礙云云。

●山東省城兵變……本日晚、駐紮東門外新城中路第六營防兵。因在商埠戲園爭鬧。旋即糾合全營。約同第二第四第七防營軍隊。圍攻東關。經第五鎮軍隊及三十四標第一標分守東西城抵禦。嗣以東城守兵藥彈將罄。遂於十四日黎明被亂兵攻入。沿途搶掠鋪戶。縱火焚燒房屋。並圍攻都督府及各衙署。復經第五鎮統制馬龍標。帶兵會同巡警分頭堵擊。至午後叛兵始各敗竄。火勢亦以適遇大雨。同時澆熄。是役也。被劫被焚之店鋪住戶。各數百家。當場擊斃叛兵百餘名。聞其致變之由。則以該營久未得領全餉。且聞有裁撤營餉之說。故譁變以期得以肆劫云。

●甘肅秦州軍政府取消……秦州設立軍政府。由都督黃鉞電達

21820

中央。旋經袁總統以一省不能設立兩都督。批令取消。本日甘督趙惟熙電稱。黃鉞已於初七日在秦州宣布取消臨時軍政府。

同 十五日

●日本貴族旅行團抵京……日本柳溪保惠等。發起旅行團。來華游歷。傳聞其內容。係因日本對於中國之改革。約分兩派。一為贊成共和。一為反對共和。故特組織團體。來華實地考察。俾得隨時報告本國。以定對待中國之方針云。

●藏兵侵佔裏塘……四月間駐拉薩華軍與藏人開釁。其後仍在附近接續爭戰。互有死傷。藏人以華軍兵單餉絀。知難遠顧。各地遂紛紛響應。且聲言實行沈漢。駐藏華官。寓藏華人。多被驅戮。其詳情因交通阻隔。未能深悉。全藏叛後。川邊之鄉城、稻壩、貢噶嶺、巴塘等處。先後告警。川省已挑選精銳。預備出發。尹督並擬率隊親征。惟以籌備軍實。尚未首途。本日川邊之裏塘地方。有西藏騎兵千人圍攻。相戰至一時之久。遂被佔據。

同 十七日

●國務總理唐紹儀因病呈准赴津調治任命外交總長陸徵祥暫行代理……唐總理先於十五日赴津。此令於本日發布。唐之呈文。亦於本日呈遞。其匆匆赴津之故。各界傳說。有謂其因直督問題與總統齟齬者。有謂由於政黨攻訐者。有謂因外人之不信任者。有謂因聞鎗聲恐遭暗殺者。甚且有謂因比款用途之不明。慮受詰責者。議論紛紛。莫衷一是。據唐氏呈稱。則謂因感受

風寒。牽動舊疾。懇請給假赴津調治云。

同 十九日

●奉天省城兵變……駐紮奉省大北關外之混成協第三標。因官長指派國民捐。於本日晚十時譁變。分為三起。一起赴造幣廠。一起赴軍械局。一起在北關外搶劫銀行票號。並縱火焚燒房屋。旋欲奔竄入城。以有巡防隊守衛不果。其赴造幣廠軍械局之叛兵。亦經巡防隊擊退。復經先鋒隊馳赴北關防剿。與叛兵互相攻擊。至天明由巡防隊協助。拿獲二十餘人。餘黨始分頭逃潰。事後檢查被災者約百餘家。被搶者約四百餘家。各國領事館。因有華兵及外兵保護。均未波及。

同 二十四日

●准海軍右司令吳應科辭職任命徐振鵬為海軍右司令

同 二十六日

●公布國務院官制

第一條 國務院以國務員組織之。

第二條 國務員為國務總理。及左列各部總長。

外交總長 內務總長 財政總長 陸軍總長 海軍總長

司法總長 教育總長 農林總長 工商總長 交通總長

第三條 國務總理。為國務員首領。保持行政之統一。

第四條 國務總理。於各部總長之命令。或處分。認為有礙前條之規定者。得中止之。取決於國務會議。

第五條 國務總理。依其職權。或特別委任。得發院令。

第六條 國務總理。就所管事務。對於地方長官。得發訓令及指令。

第七條 國務總理。就所管事務。於地方長官之命令。或其處分。認為違背法令。或逾越權限者。得停止或撤銷之。

第八條 臨時大總統公布法律。發布教令。及其他關於國務之文書。關係各部全體者。由國務員全體副署。關係一部或數部者。由國務總理會同該部總長副署。其專屬國務總理所管者。由國務總理副署。

第九條 左列事項。應經國務會議。

- 一 法律案及教令案。
- 二 預算案及決算案。
- 三 預算外之支出。
- 四 軍隊之編制。
- 五 條約案。
- 六 宣戰媾和事項。
- 七 簡任官之進退。
- 八 各部權限爭議。
- 九 依法令應國務會議事項。
- 十 參議院咨送之人民請願案。
- 十一 國務總理或各部總長。認為應經國務會議事項。
- 第十條 國務會議事件。以國務員之同意定之。會議時。以國務總理為議長。



第十一條 國務總理臨時遇有事故。呈明臨時大總統。以他

國務員代理。各部總長臨時遇有事故亦同。

第十二條 本制自公布日施行。

同 二十七日

准國務總理唐紹儀解職……唐總理經總統給假調治。並派員慰留後。復具呈辭職。本日奉總統批准。

准交通總長施肇基辭職任命海軍總長劉冠雄代理

同 二十八日

湖北襄陽府司令張國荃擁兵獨立……襄陽府司令張國荃。不服省垣編制。擅殺調查專員周警亞。擁兵獨立。經黎都督派兵四面合剿。張知不敵。率隊向鄖陽潰逃。沿途縱兵劫掠。并勒索河口稅局款項。襄鄖一帶。多被蹂躪。聞擬由鄖取道入蜀。即經黎都督電川。請為派兵協剿。

同 二十九日

特任陸徵祥為國務總理……總統准唐總理辭職後。即提出陸徵祥為總理。資詢參議院。經院以同意答復。遂即任命。

准工商總長陳其美辭職……陳總長前因滬軍事未能交卸。不克就職。疊請開缺另簡。未經允准。近復堅申前請。本自始奉准免。其總長一缺。前已由總統任命次長王正廷署理。故不別委代理。

同 三十日

任命那彥圖署理烏里雅蘇台將軍兼辦理圖什業圖車臣兩盟事

21822

宜……庫倫獨立後。各旗多懷觀望。那彥圖威望素著。故特任命。以資鎮懾。

●通令禁止勒派國民捐……今日。民國建設。經緯萬端。而財政困難達於極點。於是仁人志士。思欲合全國之力。共相維持。遂發起國民捐之議。忠義激發。可敬可嘉。凡具愛國熱心者。自必忍痛割愛。以謀公益。乃發軔未久。流弊頗滋。間有好事之流。假託美名。陰行逼勒。實為倡義諸人所不及料。本大總統既受國民託委。愧未能培養元氣。若復聽聞閭閻騷擾而不為之所。問心何以自安。查臨時約法。定有保護財產之條。苟非自願樂捐。斷無侵犯自由之理。當此凋敝之餘。乃以餉項支絀。貽累民間。撫衷循省。怒焉如擣。為此申告全國人民。如有強迫勒捐情事。應由各地方長官。指交司法衙門。各按本律辦理。其即一律曉諭。俾衆咸知。

七月 初一日

●准孫毓筠辭職任命柏文蔚為安徽都督……孫前以病請假。安徽都督由柏署理。至是復請准免本官。

●湖北實行軍民分治……黎都督主張軍民分治。曾電陳總統。(電錄八卷十二號內外時報)願以鄂為天下倡。並請任樊增祥為民政長。嗣以樊增祥辭未就職。改由劉心源代理。於本日實行分治。

●湘贛粵閩水災……湖南之長沙。江西之袁州。廣東之惠州。韶州。肇慶。福建之福州。泉州。漳州。處等。於六月中下旬先後

大雨。山水暴發。堤防潰決。田禾廬舍。多被沖沒。

●江西景德鎮兵變……景德鎮鑛工與軍隊勾結。於本日晚間三時密議起事。經憲兵馳往擊退。嗣復聚合多人。圍攻憲兵營房。奪去槍械子彈。並將民國銀行搶劫一空。贛督聞耗。即派兵前往剿辦。其亂首唐桂卿。於初三日赴饒州府。擬招集匪黨。圖謀大舉。經該府知事偵悉。派兵捕獲正法。

同 初二日

●德皇族華爾特馬耳遊歷到京

同 初三日

●蕪湖兵變……駐蕪廬軍第五十七團第二三兩營。於本日晚後一時。藉故暴動。先由第三營鳴鎗為號。從西門城根上長街。肆行搶劫。第二營聞鎗響應。計長街店鋪。被搶者二十三家。被焚者四家。亂兵得賊後。復搶子彈庫。初四晨至江口陶溝登小輪渡江逃竄。

●山東德州火藥局炸裂……炸去房屋二十餘間。受傷者三十餘人。死者未詳其數。

●漢口德商鎗傷華人……停泊漢口德國兵艦之水兵。於九日晚在大智門乘醉毆人。巡警恐肇事端。特護送該兵回艦。禮和蛋廠之德商。在三層洋樓上見之。誤為巡警拘留德兵也。連放三鎗。意在擊退警兵。而標準不確。致將附近商民蔣某朱某周某三人擊傷。於是輿論大譁。幾欲暴動。經兵警彈壓勸阻。嗣由夏口縣知事於次晨商請德領事。帶同巡捕。將兇手捕獲。押入

捕房。並稟請湖北外交司向德領事交涉。

同 初五日

●江西都督以贛路借款成立電國務院……電稱贛省鐵路公司。開辦數年。僅成百十餘里。商股百餘萬兩外。已借商款百萬兩。去歲以來。工程停辦。營業所入。僅敷日用。現正籌展路線。資本絲毫無著。以前借款利息過重。又屆歸還期限。催索甚急。屢次飭司召集鐵路股東會議。僉謂無力續認股本。添招新股。又無確實把握。遂公決改爲江西南潯鐵路有限公司。原有商股仍舊。其餘應行籌備還債修路各款。由公司擔任。公舉鐵路總監彭君程萬。名譽總監陳君三立。赴滬借款。前奉電詢。當經轉知。茲據電復。以現向日商興業社會借貸日幣五百萬元。九五扣繳。仍於五分回扣總數內提八萬元歸公司。週年六釐行息。十五年本息還清。暫以鐵路機器材料作押。在滬磋商合約。不日就緒簽押交款等情。查此項借款成立。除撥還息金舊欠。以之購備材料。尅日開工。一年之外。全路通行。商務運輸。營業必旺。三四年之後。積存公司所入之贏餘。備還本息。不致無著。且該公司既歸公家監管。弊端可以剔除。借款歸還。較易爲力云。

同 初八日

●洛陽兵變……秦省民軍二鎮統制張鈞。隸籍洛陽。擬帶隊回洛。保衛桑梓。於本日抵洛。駐洛前清原有之官軍。頗懷疑忌。匪人從中煽惑。遂於夜間突起變亂。肆行焚劫。幸經周協統督

率未叛之兵。分頭彈壓。至初九晚始獲安謐。

同 初九日

●通令勸告政黨……今日。民國肇造。政黨勃興。我國民政治之思想發達。已有明徵。較諸從前帝政時代。人民不知參政權之寶貴者。何止一日千里。環球各國。皆恃政黨。與政府相須爲用。但黨派雖多。莫不以愛國爲前提。而非參以各人之意見。我國政黨。方在萌芽。其發起之領袖。亦皆一時人傑。抱高尚之理想。本無絲毫利己之心。政見容有參差。心地皆類純潔。惟徒黨既盛。統系或歧。兩黨相持。言論不無激烈。深恐遷流所極。因個人之利害。忘國事之艱難。方今民國初興。尙未鞏固。倘有動搖。則國之不存。黨將焉附。無論何種政黨。均宜獨除成見。專趨於國利民福之一途。若乃懷挾陰私。激成意氣。習非勝是。飛短流長。藐法令若弁髦。以國家爲孤注。將使滅亡之禍。於共和時代而發生。揆諸經營締造之初心。其將何以自解。興言及此。憂從中來。凡我國民。務念闔牆禦侮之忠言。懷同室操戈之大戒。折衷真理。互相提攜。忍此小嫌。同扶大局。本大總統有厚望焉。

同 初十日

●四川都督尹昌衡率師出征西藏……尹都督前以藏亂邊危。影響全局。決議督師西征。電請總統飭令各省協助餉項。本日率軍隊二千五百人出發。